



Inatsisartuni ilaasortaq, Jess Svane, Siumut
/MAANI

Qulimiguulinnik angallassinermi kiffartuussinissamut isumaqatigiissutit pillugit § 37 naapertorlugu apeqqummut nr. 36-mut akissuteqaat

Asasara Jess Svane

Inatsisartut suleriaasianni § 37 naapertorlugu Qulimiguulinnik angallassinermi kiffartuussinissamut isumaqatigiissutit pillugit apeqqutinut nassiussannut qujanaq. Matuma kinguliani apeqqutitit issuarneqarput, akissutinik malitseqartinneqarlutik.

03. marts 2015
Sagsnr. 2015-111532
Dok. Nr. 1882240
Postboks 909
3900 Nuuk
Tlf: 34 50 00
Email: ISAN@nanoq.gl
www.naalakkersuisut.gl

1. Qaqugu isumaqatigiissuteqarluni silaannakkut ilaasunik angallassiffiusuni akitigut nalimmassaasoqarniarpa?

Ilaasunik angallassinermi kiffartuussinissamut isumaqatigiissutit atuuttut 2015-ip naanerani naasussaapput. Tamanna isumaqarpoq ukiup matuma ingerlanerani isumaqatigiissutissat nutaat, 1. januar 2016 aallarnerfigalugu atuutilertussat isumaqatigiissutigineqassasut, tassanilu bilitsinut akit siusinnerpaamik allangortinneqassagunik allangortinneqarsinnaapput.

2. Silaannakkut angallassinermi kiffartuussinissamik isumaqatigiissuteqarluni nunatta karsianiit tapiissuteqarfigineqartarluni angallaviusumi akit ilaatigut marloriaatinngortartut suliarinnittussarsiuussinermi piumasaqaateqarnikkut allangortinniarnaqarlutik?

Aallarniutigalugu erseqqissaatigerusuppara, kiffartuussinissamut isumaqatigiissutit atuuttut 2006-imili isumaqatigiissutigineqarmata akinut tunngaviusut kalluarneqarsimangimmata. Akinut allannguutaasartunut akinut siumut missiliuinerit aammalu uuliamut akinut allannguutit peqqutaasutuutut oqaatigineqarsinnaapput.

Bilitsinut akiusussanik aalajangersaasarneq pillugu apeqqummut tunngatillugu akissutissaq ajorluartumik ajornaatsuinnaangilaq, matumani tunngavissat arlaqarmata. Sumiiffinni kiffartuussinissamut isumaqatigiissuteqarfiusuni sumunnarfimmut ataatsimut aningaasartuutaasartut ilaatigut bilitsip akia, atuisumit akilerneqartartoq, ilaatigullu kiffartuussinissamut tapiutitut akiliut, sullissisup Namminersorlutik Oqartussanit pissarsiarisartagaa atorlugit matussuserneqartarput.

Bilitsinit isertitassat aalajangersarneqartarnerini qanoq ungasitsigisumut timmisartuussisarneq kisimi isiginiarneqarsimangilaq, kisiannili aamma bilitsimut akiusup, atuisup akilersinnaasaa qanoq qaffasitsigissanersoq isiginiarneqarsimalluni. Tamatuma kingunerisaanik akuttunngitsumik isorartunngitsumut timmisartuunneqarnermi akiliutissaq annerusarpoq, tamannalu akinut illit assersuutigisanni ersarippoq. Kullorsuarmi innuttaasoq illoqqarfimmut qaninnermukarniaruni Illorsuarmi innuttaasumit bilitsimut amerlanerusunik akissaqarneq ajorpoq. Tassalu bilitsimut akiusumi sømilinut timmisartuussivigineqartunut aningaasartuuterpiaat tunngavigineqarnerunatik, atuisumut akit annerpaaffissaat tunngavigineqarneruvoq.

Tamanna oqaatigereerlugu oqaatigineqassaaq, Qeqertarsuup Tunuani timmisartuunneqartarneq ilaasunut, avannaani ilaasartunut naleqqiulluni pingajorarterutip ataatsip missaannik akisunerunera nassuiaruminaassinnaamat.

Taamaattumik bilitsinut akit ullumikkumut naleqqiullugit naligiinnerusumik agguarneqarsinnaanersut pillugu misissueqataarusuttorujussuuvunga. Tunngavissaq tamanna kiffartuussinermut isumaqatigiissusiassani sullissinerup qaffasissusaanik aalajangersaanermi ilaatinneqassaaq.

Neriuppunga matuma siuliani akissutikka apeqqtinnut tamakkiisumik akissutaasimassasut.

Inussiarnersumik inuulluaqqusillunga

Knud Kristiansen